

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

**Коми Республикаса республиканскöй сьöмкуд сьöм
видзан пöрадок йылысь, мый веськöдöны
гражданалысь оланног канмусянь пасйöм вылö
Россия Федерацияса сетöм уджмогъяссö
збыльмöдöм могысь содтöд сьöмөн могмöдöм вылö**

Примитöма Коми Республикаса
Каналан Сöветөн

2023 вося вöльгым тöлысь 30 лунö

Тайö Оланпасыс “Россия Федерацияса субъектыясын публичнöй власьт котыртан öтувья принципьяс йылысь” Федеральнöй оланпаслөн 42 статьяса 4 юкөн, “Гражданалысь оланног пасйöм йылысь” Федеральнöй оланпаслөн 4 статьяса 7¹ пункт серти урчитö Коми Республикаса республиканскöй сьöмкуд сьöм видзан пöрадоксö, мый веськöдöны гражданалысь оланног канмусянь пасйöм вылö Россия Федерацияса субъектыяслөн канму власьт органыяслы сетöм Россия Федерацияса уджмогъяссö Коми Республикаын збыльмöдöм могысь содтöд сьöмөн могмöдöм вылö (водзö – сетöм уджмогъяс).

1 статья

1. Нормативьяс вевтыртигөн, кутшöмъясöс урчитöма гражданалысь оланног канмусянь пасйöм вылö Россия Федерацияса сетöм уджмогъяс збыльмöдöм могысь федеральнöй сьöмкудйысь Россия Федерацияса субъектыяслөн сьöмкудьяс костын субвенцияс юклан методикаөн, кутшöмöс вынсьöдö Россия Федерацияса Веськöдлан котыр, да сэк, кор федеральнöй сьöмкудйысь öтувья субвенция сьöмыс оз тырмы, мый сетöны Россия Федерацияса субъектыяслөн сьöмкудьяслы Россия Федерацияса торья канму уджмогъяс збыльмöдöм могысь, кутшöмъясöс сетöма урчитöм пöрадокын, тайö Оланпаслөн 3 статьяын индöм содтöд рöскодсö, мыйта колö сетöм уджмогъяссö збыльмöдöм могысь, сьöмөн могмöдöны ас чöжöс да Коми Республикаса республиканскöй сьöмкудлысь дефицитсö сьöмөн могмöдан öшмöсьяс тшöт весьтö.

2. Сетöм уджмогъяссö збыльмöдöм вылö Коми Республикаса республиканскöй сьöмкуд сьöм йöрышсö урчитöны локтан финансöвöй во да планöвöй период вылö Коми Республикаса республиканскöй сьöмкуд йылысь Коми Республикаса оланпасөн.

2 статья

1. Сетöм уджмогъяс збыльмöдöм вылö Коми Республикаса

республиканскöй сьöмкуд сьöмөн медшöр вöдитчысьöн лоö Коми Республикаса олöмö пöртысь власьт орган, кодi котыртö Коми Республика мутасын гражданалысь оланног канмусянь пасйöм серти уджсö (водзö – уполномочитöм орган).

2. Сетöм уджмогъяс збыльмöдöм вылö Коми Республикаса республиканскöй сьöмкуд сьöмсö вичмöдöм могысь уполномочитöм орган сетö локтан финансöвöй во да планöвöй период вылö индöм могъяс вылö Коми Республикаса республиканскöй сьöмкуд рöскöд серти сьöмкуд ассигнованиеяс подулалöмсö Коми Республикаса оланпастэчасöн урчитöм пöрадокын да кадколастьясö.

3 статья

Сетöм уджмогъяс збыльмöдöм вылö Коми Республикаса республиканскöй сьöмкуд сьöмсö видзöны содтöд рöскöд вылö сы могысь, медым:

1) Россия Федерацияса оланпастэчас да Коми Республикаса оланпастэчас серти могмöдны уполномочитöм органлысь да сылөн мутас органьяслысь (гражданалысь оланног пасьян мутас юкөнъяслысь) уджсö, кытчö пырö уджысь мынтысьöм, социальнöя быть страхуйтан взносьяс вештöм вылö, уджысь мынтысьöм серти мынтöмъяс да Коми Республикаса канму гражданскöй служащöйяслы мукöд мынтöм, Коми Республикаса канму гражданскöй служащöйяслы гарантияяс сетöм вылö рöскöд;

2) Россия Федерацияса оланпастэчас да Коми Республикаса оланпастэчас серти могмöдны уполномочитöм органлысь да сылөн мутас органьяслысь (гражданалысь оланног пасьян мутас юкөнъяслысь) уджсö могмöдöм серти канму учреждениелысь уджсö, кытчö пырö уджысь мынтысьöм, социальнöя быть страхуйтан взносьяс вештöм вылö, уджысь мынтысьöм серти мынтöмъяс да уджалысьяслы мукöд мынтöм, уджалысьяслы гарантияяс сетöм вылö рöскöд;

3) материально-техническöя могмöдны уполномочитöм органöс да сылысь мутас органьяссö (гражданалысь оланног пасьян мутас юкөнъяссö).

4 статья

1. Сетöм уджмогъяс збыльмöдöм вылö Коми Республикаса республиканскöй сьöмкуд сьöмыс торъя мога да сйöс оз позь видзны мукöд мог вылö.

2. Тайö Оланпас серти Коми Республикаса республиканскöй сьöмкудйысь вичмöдöм сьöмсö торъя мог вылö видзöм бöрся видзöдöны сьöм овмöс бöрся канмусянь контроль нуöдысь органьяс, кодьяслы урчитöм пöрадокын сетöма контроль нуöдан лöсялана уджмогъяссö.

5 статья

Тайö Оланпасыс вынсялö сійöс официальнöя йöзöдан лунсянь.

Коми Республикаса Юралысь

В.В. Уйба

Сыктывкар

2023 вося öшым тöлысь 11 лун

101-РЗ №